

ՍԵՐԳՈ ԿԵՎՈՐԿՅԱՆ—Հայ վիճակագիր բանաստեղծությունը (XVIII-XIX դդ.),
Երևան, ՀԽՍՀ ԳԱ հրատ., 1989, 380 էջ:

Աշխատության մեջ ներկայացվում են հայ ժողովրդի պատմական և գրական արժեք ունեցող վիճակագիր շափածո ստեղծագործությունները, որոնք ստեղծվել ու հարստացվել են՝ կրելով ժամանակաշրջանների կնիքը: Տրվում են վիճակագիր բանաստեղծության հորինվածքի բնորոշ գծերը և հայ ժողովրդի ըմբոստ ոգու մաքառման արձագանքները:

Վիճակագիր ստեղծագործություններում լուսաբանվում են պանդխտության, բարոյախրատական, սոցիալական հարցերը, ցույց են տրվում յուրովրդի հայրենասիրությունը, պայքարն օտար նվաճողների դեմ, հավատալիքները, ավանդույթները, հիշատակվում են ճարտարապետական հուշարձանները:

Գիրքն ունի հավելված, ծանոթագրություններ, գրականության ցանկ, անձնանունների և տեղանունների ցանկեր:

Պատասխանատու խմբագիրն է Գ. Մ. Գրիգորյանը:

ԱԼԵՔՍԱՆԻՐ ԹԵՎՈՍՅԱՆ—Ռեթեռն Պերպերյան (փիլիսոփայական և հասարակական-քաղաքական հայացքներ), Երևան, ՀԽՍՀ ԳԱ հրատ., 1989, 290 էջ:

Գրքի I գլխում ներկայացվում է XIX դ. 70—90-ական թվականների արևմտահայ դեմոկրատական մտքի խոշորագույն ներկայացուցիչ, մանկավարժ, հրապարակախոս, հայկա-րան, լեզվագետ Ռեթեռն Պերպերյանի կյանքը և գործունեությունը: Ապա վերլուծվում են Պերպերյանի սոցիալ-քաղաքական, հասարակագիտական հայացքները (II գլուխ): Փիլիսոփայական հայացքներում Պերպերյանը դրսևորում է իդեալիստական մտածելակերպ, որի մասին խոսվում է VII գլխում: IV գլխում լուսաբանվում են Պերպերյանի՝ բարոյագիտությանը նվիրված հարցերը, որոնց նա անդրադարձել է իր հրապարակախոսական և մանկավարժական բնույթի աշխատանքներում՝ հարելով Կանտի ուսմունքին:

Գիրքն ունի ամփոփում (ռուսերեն), օգտագործված գրականության ցանկ: Գրքի Հավելվածում հրապարակվում է Պերպերյանի՝ XIX դ. 70—90-ական թվականների հայ իրականության մեջ տեղ զտած փիլիսոփայական ուղղությունների և գաղափարական պայքարի հետ կապված փիլիսոփայական աշխատությունը:

Պատասխանատու խմբագիրն է Վ. Ա. Միրումյանը:

ՓԱՅԼԱԿ ԱՆԹՈՊՅԱՆ—Վարդան Արևելցի (կյանքն ու գործունեությունը), գիրք Բ, Երևան, ՀԽՍՀ ԳԱ հրատ., 1989, 351 էջ:

XIII դ. հասարակական-քաղաքական գործիչ Վարդան Արևելցու կյանքին ու գործունեությանը նվիրված այս մենագրությունն ունի 11 գլուխ: I գլխում խոսվում է Արևելցու կրթական դործի, նրա հիմնած ու զենավարժ բարձրագույն դպրոց-համալսարանների (Կայնաբերդ, Խորվիրապ) մասին: Արևելցու հասարակական-մշակութային գործունեության երկրորդ քննադատը մանկավարժությունն է (II գլուխ): XIII դ. հասարակական-քաղաքական կյանքի վերաբերյալ իր հաղորդած, մեկնաբանած նյութերի ականատեսն ու մասնակից Արևելցին միաժամանակ հեղինակ է պատմաաշխարհագրական մի աշխատության՝ «Աշխարհացույց» խորագրով, որի մասին պատմվում է III գլխում: IV, V, VI գլուխներում ներկայացվում է կանոնագիր-իրավագետ, քերականագետ, մեկնիչ Արևելցու նկարագիրը: Լուսաբանվում է Արևելցու գերը բարոյախրատական (VII), խմբագրական (VIII), մեկնաբանական (IX) բնույթի աշխատանքներում: Տրվում են Արևելցու գեղարվեստական երկերի գաղափարական, գեղարվեստական վերլուծությունն ու գնահատությունը (X): XI գլխում խոսվում է Վարդան Արևելցու լեզվի՝ միջին հայերենի կիրառության մասին:

Գիրքն ունի ամփոփում, անձնանունների, տեղանունների և օգտագործված գրականության ցանկեր:

Պատասխանատու խմբագիրն է բանասիրական գիտությունների դոկտոր Լ. Հ. Տեր-Պետրոսյանը:

ՀԱՅ ԳՐԱԿԱՆՈՒԹՅՈՒՆԸ ՊԱՏՄԱ-ԳՈՐԾԱՌԱԿԱՆ ԼՈՒՍԱՐԱՆՈՒԹՅԱԾԻ, Ժողովածու, ընդհ. խմբ. էդ. Զրբաշյանի, Երևան, ՀԽՍՀ ԳԱ հրատ., 1989, 412 էջ:

Ժողովածուի թերկու խոսքին՝ հետևում է էդ. Զրբաշյանի հոդվածը՝ «Գրականության պատմա-գործառական ուսումնասիրության սկզբունքները», որտեղ հեղինակը խոսում է ժամանակակից գրականագիտության նորագույն ճյուղերից մեկի՝ պատմագործառական (պատմաֆունկցիոնալ) մեթոդի մասին, որն օգնում է բացահայտել գրականության հասարակական և գեղարվեստական նշանակությունն իր բոլոր կողմերով:

Գրքում տեղ գտած աշխատանքներով արվում է առաջին փորձը՝ գրականության հետազոտության այդ եղանակը կիրառելու հայ դասական գրականության նկատմամբ: Ենթադրվում է «Վարդանանց պատերազմի» 1500-ամյա կյանքը՝ աշխատանքում Զ. Ավետիսյանը ներկայացրել է «Վարդանանց պատերազմի» ստեղծման պատմական նախադրյալներն ու միջնադարյան արձագանքները, Եղիշեն և նոր ժամանակները: Հ. Մարգունու «Գ. Սունդուկյանի «Պեպոն» սերունդների ընկալմամբ» աշխատանքն ունի յուրահատուկ խնդիր՝ տալ կատակերգական ինչպես գեղարվեստական, այնպես էլ գիտական տարրերի միջնորդման ժամանակագրական և ամբողջական պատկերը: Մ. Թևոսյանի «Դ. Վարուժանի «Հեթանոս երգերը» XX դարի հայ գրական-հասարակական գիտակցության մեջ» և Լ. Ղազարյանի «Բաժնեկրի» ընկալման և գնահատման ուղիները» աշխատանքներում լուսարանվում են գեղարվեստի հարատևող ուժի տարբեր կողմերը:

Ցուրաքանչյուր աշխատանք ունի իր ժանրագրությունները: